

Nataša TADIĆ

dopisnik@nezavisne.com

TUZLA - Oko 1.000 radnika lukavačkog GIKIL-a zatražilo je pomoć od Vlade Tuzlanskog kantona jer su im upitna radna mjesta.

Kompanija GIKIL iz Lukavca posluje u višemilionskim gubicima, a oba njena osnivača su u stečaju.

GIKIL je nastavio raditi po starom nakon nedavnog hapšenja Pramoda Mitala, predsjednika Nadzornog odbora, Radžiba Daša, člana Nadzornog odbora, i Parameša Batačarija, generalnog direktora. Oni su pušteni da se brane sa slobode uz višemilionsku jamčevinu.

Međutim, da situacija nije dobra, pokazuje i činjenica da se Sindikat obratio Vladi TK za pomoć. Podaci kojima se trenutno raspolaže pokazuju da GIKIL ima dugovanja veća od 200 miliona maraka. Radnici se plaše za svoju egzistenciju, jer posljedice bi mogle biti velike.

"Želimo da se pokrenu svi mehanizmi kako bi ova kompanija radila u skladu sa svim zakonima i normama. Inače, država će imati veliki problem s hiljadu direktno uposlenih. To bi, vjerujem, bio socijalni bunt, jer mahom ovi ljudi nemaju gdje na drugom mjestu zaraditi platu", kazao je Mirsad Imamović, predsjednik Sindikata radnika GIKIL-a.

Sud je zabranio Mitalu, Da-

Kompanija iz Lukavca u višemilionskim gubicima, oba njena osnivača u stečaju

GIKIL tone, radnici traže pomoć od vlasti

Podaci kojima se trenutno raspolaže pokazuju da GIKIL ima dugovanja veća od 200 miliona maraka



KAKVE SU ŠANSE ZA REALIZACIJU PROJEKTA "CRYSTALICO" U TUZLI

Malo realna investicija od milijardu maraka



TUZLA - Prije nekoliko mjeseci javnost u BiH obaviještena je da se prema izgradnja velikog projekta u Tuzli nazvanog "Crystalico", vrijednog čak milijardu KM.

Kako je tada rečeno, holandski investitori su zajedno s vlasnikom prostora Livnice odlučili da izgrade poslovno-stambeni kvart u Tuzli. Naziv idejnog projekta je "Crystalico".

Kako se u međuvremenu ispostavilo, investitor ovog projekta je firma "Arba", koja je osnovana krajem prošle godine u Tuzli i čiji je osnivački kapital 1.000 KM. Osnivači kompanije "Arba" su dvojica Holanđana, Marlon Afzal Abdoelrahiman i Mohammed-Azem Rodjan. Direktor je Dževad Džafić, mladi sin načelnika Kalesije Seada Džafića.

S obzirom na to da je riječ o fi-

zičkim, a ne pravnim licima, teško je utvrditi njihov bonitet. O Abdoelrahimanu nismo uspjeli pronaći nikakav podatak na internetu, dok se kod Rodjana pojavljuje samo profil na društvenoj mreži LinkedIn. Sa druge strane, poznato je da porodica Džafić upravlja kompanijom "Unis Tok" iz Kalesije i da ima značajna sredstva, ali sama ni izbliza nema snage za investiciju te veličine.

Da bi se javnost ubijedila u vjerodostojnost najavljenog projekta, mora se predočiti dokaz da je investitor u stanju iznijeti investiciju od milijardu KM. To do sada nije učinjeno.

Veliko pitanje je i da li bi ta investicija bila isplativa. Nekoliko eksperata za nekretnine reklo je da bi toliki iznos novca u Tuzli bilo veoma teško, skoro nemoguće, vratiti. (BiznisInfo.ba)

SARAJEVSKA berza

BIFX	SASX-10	SASX-30	
-1,84%	-0,70%	+0,05%	
KOTACIJA KOMPANIJA			
Dioničko društvo	Zvanični službeni kurs (KM)	Promjena kursa	Vrijednost (KM)
Bosnalijek d.d. Sarajevo	17.5	-2.78	3,500.00
KOTACIJA FONDOVA			
ZIF Prof Plus dd Sarajevo	3.07	-9.97	343.84
ZIF Prevent invest dd Sarajevo	2.8	2.05	975.87
ZIF BIG Investiciona grupa dd Sarajevo	1.45	0.00	0.00
ZIF Bonus dd Sarajevo	3.99	0.00	0.00
KOTACIJA OBVEZNICA			
FBIH obveznice ratna potraživanja ser. B	100	0.00	0.00
FBIH obveznice ratna potraživanja ser. C	100	0.00	0.00
FBIH obveznice ratna potraživanja ser. D	100	0.00	0.00
FBIH obveznice ratna potraživanja ser. E	100	0.00	0.00
FBIH obveznice ratna potraživanja ser. H	97	0.00	0.00
FBIH obveznice ratna potraživanja ser. I	98	0.00	0.00
FBIH obveznice ratna potraživanja ser. F	100.00	0.00	0.00
PRIMARNO SLOBODNO TRŽIŠTE			
BHTelecom d.d. Sarajevo	11.08	-1.47	7,127.43
Energoinvest d.d. Sarajevo	0.68	0	1,802.00
ASA Banka dd Sarajevo	31.93	3	3,193.00
JP Elektroprivreda BiH dd Sarajevo	15.98	0	1,390.26
Sarajevo osiguranje dd Sarajevo	15	0	1,964,325.00
SEKUNDARNO SLOBODNO TRŽIŠTE			
Centrotrans-Eurolines d.d. Sarajevo	54	12.5	19,440.00
TP DC Sarajevo dd Sarajevo	9.01	0	1,090.21
Majeвица dd Srebrenik	7	0	3,654.00
DOBITNIK/GUBITNIK DANA	CIJENA (KM)	PROMJENA	
Centrotrans-Eurolines, Sarajevo	12,50	+54,00%	
ZIF Prof Plus, Sarajevo	3,07	-9,97%	

UPRAVA "ALUMINIJA" SAOPŠTILA DA SU MALE ŠANSE ZA NOVI POČETAK RADA

NEMA NOVCA ZA POKRETANJE PROIZVODNJE

MOSTAR - Uprava "Aluminija" obavijestila je javnost kako ne raspolaže finansijskim sredstvima potrebnim za pokretanje procesa proizvodnje, te da obećana sredstva koja je trebalo da budu obezbijeđena do 1. avgusta još nisu uplaćena.

Iz društva naglašavaju kako je 1. septembar bio okvirno postavljen kao termin početka rada ljevaonice, ukoliko se potrebna novčana sredstva obezbijede do 1. avgusta, međutim, kako se navodi u saopštenju, do sada nije obezbijeđena potrebna novčana podrška te proces pokretanja proizvodnje nije realizovan.

"Trenutna očekivanja javnosti su usmjerena na pokretanje pogona 'Aluminija', i to najprije ljevaonice, zatim anoda te u konačnici elektrolize, uz zadržavanje radnika. Zasad, nažalost, nema naznaka koje bi

potvrdile da će društvo 'Aluminija' uskoro raspolagati novčanim sredstvima kako bi se ostvarilo ono što svi priželjkujemo - pokretanje svih pogona 'Aluminija', navode iz te kompanije.

S obzirom na to da se iz sredstava "Aluminija" novac ne može obezbijediti u potpunosti, Uprava društva očekuje novčanu pomoć i za otpremnine radnicima koji bi planom restrukturiranja u početnoj fazi bili tehnološki višak.

"Naglašavamo da će društvo, putem određenih internih resursa, pokušati obezbijediti dio novca, ali ne može obezbijediti sav novac koji je potreban da bi se proveo plan zbrinjavanja u predviđenom roku", saopštili su iz "Aluminija".

Dodaje se kako je Uprava društva u kontaktu s jednim potencijalnim investitorom te se trenutno dostavlja potrebna

Rukovodstvo GIKIL-a nedavno pohapšeno

**KANTONALNA
VLADA
NEMOĆNA**

šu i Batačariju da upravljaju ovom kompanijom, ali ne i ostalim članovima Uprave koji su ranije imenovani. Sindikat radnika je od kantonalne vlade, kao vlasnika pola kompanije, tražio pomoć.

"Oni su iznijeli da trenutno imaju finansijskih problema i da će doći u situaciju da neće moći isplatiti plate, te su tražili da im kantonalna ili federalna vlada, ili neko, napravi pozajmicu od dva do tri miliona", pojasnio je Asmir Hasić, ministar privrede TK.

Hasić je dodao da je kantonalna vlada nemoćna, jer nema osnova za pozajmicu niti zakonskog uporišta, te da stečajni upravnik KHK, firme koja je jedan od dva osnivača GIKIL-a, mora sazvati sjednicu Skupštine društva da bi Vlada TK napravila sljedeći korak.

Drugi osnivač GIKIL-a, Mitalov GSHL, također je u stečaju. Ipak, uhapšeni Mital je izvlačio novac iz ove kompanije u kojoj su pod istragom četiri strana državljanina i dva iz BiH. Protiv Debašiša Gangulija, bivšeg direktora, podignuta je i optužnica zbog onečišćavanja okoliša, ali on je pobjegao iz zemlje i nedostupan je pravosudnim organima BiH.

"Proglašeni privremeni likvidatori GSHL-a, i još više Pramod Mital, nisu imali nikakva prava niti ovlaštenja da zastupaju GSHL u GIKIL-u. S tim su oni vrlo dobro bili upoznati, ali su, pored toga nastavili s iz-

vlačenjem kapitala", pojasnio je Čazim Serhatlić, postupajući tužilac.

Sa druge strane, u saopštenju, kojeg potpisuje Uprava GIKIL-a, stoji da se upravljanje kompanijom odvija kroz redovne procese rada te da ta uprava funkcionise na čelu sa zamjenikom generalnog direktora koji ima sva prava i ovlaštenja kao i generalni direktor, te u skladu s tim donosi punopravne odluke o svim bitnim pitanjima za normalan i nesmetan rad kompanije.

**TRENTNA UPRAVA
TVRDI DA SE SVI
PROIZVODNI PROCESI
REDOVNO ODVIJAJU**

"Istovremeno, građane, kao i sve naše poslovne partnere i saradnike, obavještavamo da se svi procesi proizvodnje unutar naših postrojenja odvijaju prema redovnoj i planiranoj dinamici, uključujući dopremu sirovina i otpremu gotovih proizvoda. Iako suočeni s mnogobrojnim poteškoćama, Uprava kompanije ostaje opredijeljena ka obezbjeđivanju stabilnosti proizvodnje i poslovanja, osiguravanju plaća i izmirenju svih zakonskih obaveza, te unapređenju sigurnosti svih tehnoloških procesa i zaštite okoliša", poručuje trenutna uprava GIKIL-a.

**"UNIS GINEX"
Manje radnika
i prihoda**

GORAŽDE - "Unis Ginex", kompanija iz oblasti namjenske industrije, zabilježila je u prvoj polovini ove godine pad prihoda i dobiti, kao i broja radnika, u odnosu na isti period lani.



Poslovni prihodi kompanije za pola godine su iznosili 16,7 miliona KM, i za oko dva mili-

ona KM su manji nego u prvoj polovini 2018.

Neto dobit je pala sa 4,6 na 3,3 miliona maraka. Smanjen je i broj radnika sa 678 na 643.

Podsjetimo da je većinski vlasnik "Ginexa" Federacija BiH sa 51 odsto dionica.

"Unis Ginex" je jedna od najvažnijih kompanija iz namjenske industrije u Federaciji BiH. (Biznisinfo)

**U Trebinju promovisani domaći proizvodi
"Naše je bolje"**

TREBINJE - Privredna komora Republike Srpske i Područna privredna komora Trebinje organizovale su juče promociju domaćih proizvoda u okviru projekta "Naše je bolje" tokom koje se predstavilo 15 izlagača iz različitih krajeva Republike Srpske.

Direktor Područne privredne komore Trebinje Veselin Savić rekao je da je cilj unapređenje domaćih brendova i promocija domaćih proizvoda, da bi se ukazalo na njihov kvalitet koji je, prema njegovom mišljenju, bolji od "zvucnijih stranih" brendova.

Među izlagačima bila je Aleksandra Delić, koja je predstavila prirodnu ručno radenu kozmetiku u okviru male porodične radionice.

"Predstavili smo preparate za



kožu, a imamo i prateće proizvode, te sokove od bilja. Mi smo kao proizvođači svjesni koliko su ovi preparati zdravi, a sajmovi pomažu da se tržište edukuje o značaju tih proizvoda", rekla je Delićeva.

Vanja Milošević-Đogo se u ime firme "Farmavit" iz Ljubinja predstavila autentičnim proizvodima od bijelog luka, navodeći da je značajno što su ljudi počeli da prepoznaju kvalitet ovakvih prirodnih proizvoda.

Promocija domaćih proizvoda tradicionalno se organizuje u Trebinju u okviru preobraženjskih svečanosti. (Srna)

**ENERGETSKI NAPICI
Domaći
takmac
viceshampion**



SARAJEVO - Red Bull dominirao je energetskim napicima u Bosni i Hercegovini u 2018. godini, pokazuje analiza Euromonitora.

"Vitinka" je prvu domaću marku energetskih pića lansirala 2018. godine. Rooster se pokazao kao veliki uspjeh, zauzevši drugu poziciju u prvoj godini, ispred firmi "Hell Energy" i "Monster Energy".

Još jedna nedavna promocija bila je za napitak Bright Energy firme "Hegy Energy Magyarországon", čija je promocija fokusirana na ime Brusa Vilisa. Taj detalj ojačao je međunarodni imidž marke.

Energetska pića su zabilježila najsnažnije rezultate u 2018. godini, pokazujući da je kategorija trenutno daleko od zasićenja i ima značajnu latentnu potražnju. Ključni činioc koji ograničava prodaju je pristupačnost, koja se sve više rješava pokretanjem jeftinijih marki. (Indikator.ba)

**AUKCIJA
Vrijednost
veća od
planirane**

BANJALUKA - Ukupna prodajna vrijednost obveznica Republike Srpske ostvarena na jučerašnjoj aukciji na Banjalučkoj berzi iznosila je 36,36 miliona KM, podaci su iz Berze. Planirani iznos ove emisije bio je 35 miliona KM. Ukupna vrijednost pristiglih ponuda bila je 77,75 miliona KM.

Efektivna kamatna stopa iznosi 1,90 odsto, a isplata kamate vršiće se jednom godišnje. Rok dospijeca ovih obveznica je sedam godina. (Srna)

BANJALUČKA berza

BIRS	ERS 10	ORS
+0,22%	0,00%	+0,02%

Dioničko društvo	Sklopljeni poslovi		
	Prosječna cijena	% promjene cijene	Ukupan promet (KM)

SLUŽBENO BERZANSKO TRŽIŠTE			
Telekom Srpske a.d. Banjaluka	0,85	0,95	56,572.18
TRŽIŠTE UDJELA OTVORENIH INVESTICIONIH FONDOVA			
DUIFKristalInvestad.-OMIFFutureFund	11	-1,17	2,024.00
DUIFInvestnovaad.-OMIFInvestnova	0,142	0	435,36
DUIFKristalInvestad.-OMIFKrisalCashPlusFund	0,669	0	243,51
DUIFKristalInvestad.-OMIFMaximusFund	4,12	-1,9	700,40

SLOBODNO TRŽIŠTE - TRŽIŠTE AKCIJA			
Prijedorputevi a.d. Prijedor	1,1	0	2,129.60

PRIMARNO TRŽIŠTE - JAVNA PONUDA OBEVZNICA			
Republika Srpska 2,50% 21/08/26	103,9	0,00	36,365,000.00

SLUŽBENO BERZANSKO TRŽIŠTE - TRŽIŠTE OBEVZNICA			
Republika Srpska - stara devizna štednja 8	101,1	0	4,364.79
Republika Srpska - izmirenje ratne štete 2	98,5	0	357.06
Republika Srpska - izmirenje ratne štete 11	96,3(A)	0	14,445.00
Republika Srpska - stara devizna štednja 7	101	0	0.00
Republika Srpska - izmirenje ratne štete 10	96,7(A)	0	0.00
Republika Srpska - izmirenje ratne štete 12	96,1	0	0.00
Republika Srpska - izmirenje ratne štete 9	98	0	0.00
Republika Srpska - izmirenje ratne štete 3	98,6	0	0.00
Republika Srpska - izmirenje ratne štete 5	97,65	0	0.00
Republika Srpska - izmirenje ratne štete 8	97,51(A)	0	0.00
Republika Srpska - izmirenje ratne štete 4	98	0	0.00

DOBITNIK/GUBITNIK DANA	CIJENA (KM)	PROMJENA
Telekom Srpske, Banjaluka	0,85	+0,95%
DUIF Kristal Invest - OMIF Maximus Fund	4,12	-1,90%



dokumentacija za obradu podataka, dok se povratne informacije i odluke potencijalnog investitora očekuju u predstojećem periodu.

Iz "Aluminija" su podsjetili kako je prije gašenja kompanije Uprava upoznala javnost i Vladu FBiH sa situacijom u "Aluminiju", te zamolila Vladu za pomoć u prevazilaženju problema koji su se, prije svega, odnosili na nekonkurentnu cijenu električne energije koju je "Aluminij" plaćao.

Nažalost, nijedna inicijativa ili prijedlog nisu bili prihvaćeni, naglašavaju iz Uprave "Aluminija".

"Gašenjem pogona u 'Aluminiju' 10. jula, stekli su se svi uslovi za proglašenje stečaja. Međutim, nedugo nakon gašenja proizvodnje, osnovano je Krizno vijeće koje je na prvim sastancima zauzelo jasan stav da se neće pokrenuti stečaj, nego da će se pokušati iznaći

rješenje i ispitati sve mogućnosti ponovnog pokretanja proizvodnje uz obavezu zbrinjavanja radnika. Na tim sastancima je obećana podrška za pronalazak finansijskih sredstava za ponovno pokretanje proizvodnje, te pitanja isplate otpremnina i uvezivanje staža", ističe se u saopštenju.

**PRVI SEPTEMBAR BIO
POSTAVLJEN KAO
OKVIRNI TERMIN
ZA POČETAK RADA
LJEVAONICE**

Nakon toga Uprava društva je krenula u realizaciju zadataka koje je dobila putem sastanaka Kriznog vijeća, izradila je Plan restrukturiranja kompanije i Pravilnik o organizaciji i sistematizaciji radnih mjesta.

Prema tom planu, početak rada tvornice podijeljen je u tri faze - prvo bi s radom trebalo da počne pogon ljevaonice, zatim anoda te na kraju elektroliza. U okviru prve faze predviđeno je zapošljavanje 350 radnika, od čega 74 odsto u proizvodnji.

U skladu s tom dinamikom predstavljeni su i okvirni iznosi finansijskih sredstava potrebnih za pokretanje procesa proizvodnje, a kojima društvo ne raspolaže.

U međuvremenu, Nezavisni sindikat radnika "Aluminija" sprema nove proteste jer, kako ističu, ništa od obećanja nije ispunjeno. Zbog toga su sazvali vanrednu sjednicu Skupštine na kojoj će analizirati stanje. Radnici su, inače, protekle sedmice rekli kako smatraju da su slabi izgledi da će proizvodnja u "Aluminiju" biti ponovo pokrenuta 1. septembra. (Fena, Bljesak)